

穆宗毅皇帝實錄(四)

卷一六至卷一六四
同治四年

清實錄

第四八冊

中華書局影印

清 實 錄

(第 四八 冊)

穆宗實錄(四)

中 華 書 局 出 版

(北京王府井大街 36 號)

北京市中國書店發行

中國建築工業出版社印刷廠印刷

787×1092 毫米 1/16·50 1/4 印張

1987 年 2 月第 1 版 1987 年 2 月北京第 1 次印刷

印數 0,001—1,500 冊

統一書號: 11018·1365--48 定價: 38.00 元

清實錄第四八冊目錄

穆宗毅皇帝實錄(四)

卷一四〇	同治四年五月上	三〇七	卷一四一	同治四年閏五月上	三二六
卷一三九	同治四年五月中	二七六	卷一四二	同治四年閏五月中	三四四
卷一三八	同治四年五月上	二六六	卷一四三	同治四年閏五月下	三六二
卷一三七	同治四年四月中	二〇七	卷一四四	同治四年六月上	三七八
卷一三六	同治四年四月中	一九三	卷一四五	同治四年六月中	三九九
卷一三五	同治四年四月上	一七三	卷一四六	同治四年六月下	四一九
卷一三四	同治四年三月中	一五三	卷一四七	同治四年七月上	四三五
卷一三三	同治四年三月上	一〇〇	卷一四八	同治四年七月中	四六〇
卷一三二	同治四年二月中	九〇	卷一四九	同治四年七月下	四七七
卷一三一	同治四年二月上	七三	卷一五〇	同治四年八月上	四〇二
卷一三〇	同治四年二月中	六〇	卷一五一	同治四年八月下	四二六
卷一二九	同治四年二月上	四〇	卷一五二	同治四年九月上	四四六
卷一二八	同治四年正月下	三七	卷一五三	同治四年九月下	四七三
卷一二七	同治四年正月下	一八	卷一五四	同治四年九月上	四九六
卷一二六	同治四年正月上	一	卷一五五	同治四年九月下	五一三
卷一二五	同治四年正月下	一〇	卷一五六	同治四年十月上	五三六
卷一二四	同治四年正月下	一〇	卷一五七	同治四年十月下	五五九
卷一二三	同治四年正月下	一〇	卷一五八	同治四年十一月上	五八二
卷一二二	同治四年正月下	一〇	卷一五九	同治四年十一月上	六〇四

穆宗實錄

卷一六〇	同治四年十一月	中	七二
卷一六一	同治四年十一月下		七三
卷一六二	同治四年十二月上		七四
卷一六三	同治四年十二月中		七五
卷一六四	同治四年十二月下		七六

清實錄第四八冊目錄

穆宗毅皇帝實錄(四)

卷一四〇	同治四年五月上	三〇七	卷一四一	同治四年閏五月上	三二六
卷一三九	同治四年五月中	二七六	卷一四二	同治四年閏五月中	三四四
卷一三八	同治四年五月上	二六六	卷一四三	同治四年閏五月下	三六二
卷一三七	同治四年四月中	二〇七	卷一四四	同治四年六月上	三七八
卷一三六	同治四年四月中	一九三	卷一四五	同治四年六月中	三九九
卷一三五	同治四年四月上	一七三	卷一四六	同治四年六月下	四一九
卷一三四	同治四年三月中	一五三	卷一四七	同治四年七月上	四三五
卷一三三	同治四年三月上	一〇〇	卷一四八	同治四年七月中	四六〇
卷一三二	同治四年二月中	九〇	卷一四九	同治四年七月下	四七七
卷一三一	同治四年二月上	七三	卷一五〇	同治四年八月上	五〇二
卷一三〇	同治四年二月下	六〇	卷一五一	同治四年八月下	五二六
卷一二九	同治四年二月上	四〇	卷一五二	同治四年九月上	五四六
卷一二八	同治四年正月下	三七	卷一五三	同治四年九月下	五七三
卷一二七	同治四年正月中	一八	卷一五四	同治四年九月上	五九六
卷一二六	同治四年正月上	一	卷一五五	同治四年十月下	六一三
卷一二五	同治四年正月下	一〇	卷一五六	同治四年十月上	六三四
卷一二四	同治四年正月上	一	卷一五七	同治四年十月下	六五二
卷一二三	同治四年正月下	一	卷一五八	同治四年十月上	六七三
卷一二二	同治四年正月上	一	卷一五九	同治四年十一月上	六九四

穆宗實錄

[illegible]

大清穆宗繼天開運受中居正保大定功聖智
誠孝信敬恭寬毅皇帝實錄卷之一百二十六

同治四年己丑春正月丁酉朔

上詣

奉先殿行禮

太廟後殿○車王以下文武大臣詣

慈寧門慶賀

慈安皇太后

慈禧皇太后禮成御太和殿受朝作樂宣表如

儀○詣

大高殿

壽皇殿行禮○諭議政王軍機大臣等張集馨

奏攻破積年逆畢大獲全勝一摺靜甯州高

家堡久為逆回盤踞經張集馨與曹克忠會

同進剿當將高家堡攻克賊分竄蕭河城

青家驛另股賊匪在西路十字堡等處七聚

復經官軍進剿殲匪甚眾辦理尚為得手前

諭都興阿等將曹克忠一軍應否移紮靜甯

適中之地為陶茂林後路聲援妥籌調派曹

克忠現欲進攻蕭河城應如何節節進逼力

圖堵蕩之處仍著都興阿穆圖善雷正綽安

為調度張集馨現擬帶隊進省即著趕紮前

進與陶茂林恩麟會籌布置以固省防陶茂

林一軍紮營甘卓店一帶該提督務當嚴密

守禦毋得稍有疏虞獲賊供稱該逆回官軍

圍攻固原甚緊屢遣馬百齡兄弟馬彭齡赴

雷營捏詞詐降未見聽信曹軍已到靜甯我

等家屬皆在蕭河城等處若被攻擊必致受

害是以調齊馬步各逆由靜甯入隆德過山

即是瓦亭使雷營腹背受敵如不得手即由

淫平回陝。孫義實仍在固原與雷營抗拒。使彼不疑。等語。因原逆謀甚狡。該匪如赴雷正。雷營營乞降。該署提督不可墮其詭計。致誤戎機。逆匪既有使雷營腹背夾敵之說。雷正。雷尤當加意備禦。毋為所乘。雷營各軍每日需餉二萬餘斤。前存四十萬斤。為該州黃松。年別項支銷。此時顆粒無存。軍士數日不得一飽。雷正。雷各營軍糧亦極短絀。黃松平糶。置不問。該州於此項餉斤任意支銷。實屬不

知緩急。有無侵那情弊。著恩麟查明奏。各軍無從覓食。困苦異常。均有停兵待餉之虞。著恩麟設法接濟。毋令缺乏。是為至要。將此由六百里諭知都興阿。穆圖善。雷正。給並傳諭陶茂林。恩麟。張集。聲知之。尋恩麟奏。遵查黃松年精神委頓。於兵勇應支口食。年多貽誤。實屬哀庸。不職。應請革職。從之。又諭廣鳳奎。昌泰。探聞古城漢城失守。現籌豫防。布置一摺。古城防勦。緊經廣鳳等揀派蒙古

兵一千五百名前往助剿。設於十一月十七日探聞古城漢城失守。滿城附近現有漢回及驢頭回逆約萬餘人。盤踞北套橋子地方。由科至古道路。校塞覓秦昌勝情。恐逆回勢甚。鴟張古城漢城。現已失陷。滿城刻下情形。若何。未據保恆等奏報。由科至古文報。不通。著廣鳳奎設法曉道。偵探逆節。知照保恆。應慶督飭在城兵勇。慎密防範。以待援師。廣鳳等仍當詳科境要隘。嚴密布置。相機籌辦。

並著知會已里坤哈密等城一體嚴防。奔突毋得專恃關內之兵。以致緩不濟急。坐失事機。該逆聞軍餉不日到。料意圖東竄。攻撲科城。其謀甚屬兇狡。前據德勒克多爾濟奏稱。山西撥解新疆餉銀兩次共十餘萬。已由綏遠城轉解科布多。其餘各省協餉並經戶部奏准迅解著廣鳳等於此項餉銀到境。妥為迎護。並著明拉麟興車林。統多布揀派兵弁沿途護解。毋得稍有疏虞。科屬人心驚惶。經

廣鳳等安撫稍定仍著會同各旗王公妥為
鎮撫毋令浮言得以動搖新疆軍事孔棘前
經諭令聯捷俟黑龍江所派官兵到張家口
時卽行統帶進剿若聯捷於該官兵到口時
卽遵前旨迅帶起程由科布多進剿逆母
稍稽延將此由六百里各諭令知之○人論
前因聯捷奏請將黑龍江挑派官兵五百名
帶赴新疆助剿當經諭令寶善飭此項官兵
迅速取道張家口交聯捷統帶進剿茲據廣

鳳奎昌奏探聞古城漢城失守滿城附近有
賊遁路投塞科城防勤情形緊要等語此項
官兵計已起程著寶善仍遵前旨派員沿途
嚴催迅赴張家口以便聯捷統帶前進相機
剿辦毋得稍有延誤將此由六百里諭令知
之○漕運總督吳棠奏遵議籌辦河運漕米
章程十條一未邑紅白兼收使私並運均以
乾潔為主一未價按照市值臨瀛等費事竣
覈實開報一耗米按漕斛每石給民船一升

倉耗二升隨正兌倉一水腳每石給銀六錢
一周氏船徑運通州一派員分幫押運並添
派大員赴通照料一同空船隻須於汛水未
落之前南下一未船准帶貨物二成免其納
稅一兌兌仍用漕斛一在清江設立總局用
款概從撙節下部議從之○以兵部尚書萬
青黎兼管順天府府尹事○寶校蘇廷魁河
南布政使王正揆按察使○以甘肅靜甯攻
克逆巢賞參將陳尚友巴圖魯名謹副將魏

得春等升敘有差○平甘肅平涼殉難知縣
郭襄教諭趙青黎祭葬世職加等眷屬人等
分別旌卹如例○戊戌

上詣綏履殿問

慈安皇太后安至丙寅皆如之

慈禧皇太后安至丙寅皆如之 貸盛京鳳凰

城被淹地方旗民籽糧口糧○己亥

高宗純皇帝忌辰遣官祭

裕陵

上諭

壽皇殿行禮。庚子諭議政王軍機大臣等常
清明緒奏援救已燕窩官兵中途失利一摺。
已燕窩城圍緊急伊摺所派赴援官兵於距
城三十里之底窩鋪地方接仗潰退死傷無
數皆由錫伯馬隊內向奔竄總管德克都又
未督隊以致眾兵潰散殊可痛恨當此軍事
喫緊之際若督隊各員均如此未戰先逃何
怪匪勢披猖至於此極著明緒嚴切查明該

總管失事情形卽行按照軍法從事毋稍寬
貸現在已燕窩城圍未解全項寺回氣尚熾
伊摺官兵僅二十餘名民遺各勇均不足恃
賊眾數十倍於官兵僅令扼我咽喉斷米皆
無末路伊摺勢將坐困回疆軍事敗壞至此
何堪設想關內之兵如楊岳斌跑超等雖經
疊次催調本日復經寄諭嚴催仍恐緩不濟
急得圖善一軍本令其出關剿賊現在甯夏
軍情已形得手都與阿慶昫內守外攻不難

歲事穆圖善自當擇道前赴迅速出關以拯
伊摺之危著該將軍卽行統帶所部取道嘉
峪關先抵哈密會同文琪布荒一切卽行取
道前進縱不能直趨伊摺亦可先將古城烏
嚕木齊等處之賊肅加掃蕩節節進剿但能
收復烏垣亦可以張吾軍而破賊蹤回疆軍
務或有轉機該將軍惟當迅速啟行以副委
任毋稍宕延飭於所帶兵一千五百名本日
已諭令駱秉章催令迅赴都興阿軍營如穆
圖善出關兵尚不敷著都興阿卽將此軍撥
歸統帶以厚兵力穆圖善出關後軍行糧隨
餉需軍火一切至為緊要卽著責成恩麟依
集營設法源源接濟以期士飽馬騰該護督
等務當力為其難顧全大局毋得稍分畛域
致誤戎機常清前因武隆額奏參已有旨革
職查辦授明緒為伊摺將軍係屬十月間事
何以明緒此時尚未接奉此旨該將軍領袖
各城責無旁貸惟當就現有兵力妥為撫馭

嚴備不虞但能堅守數月則關內援兵陸續
進發必可大殄逆氛所練兵底餉絀逆勢猖
獗情形朝廷早經洞鑒勦撫機宜惟在該將
軍妥為辦理原不豫為遙制惟回逆狡詐多
端應蛇成性該將軍擬派員前往回營設法
招安以為緩兵之計自係出於無可如何但
當穩慎以圖萬不可為回所詭計其奸計致
蹈滇隴覆轍另片奏革員陳辛恩樂斌此次
伊犁被回該革員籌餉籌兵不遺餘力懇請

釋回等語該革員等既在伊犁尚能出力著
加恩准其釋回仍著留於伊犁幫同辦理一
切兵餉事宜但能始終出力並准明賭酌量
保奏候旨施恩明賭即行銷知該二員今其
仰體朝廷寬大之恩力圖自新以期晚蓋伊
軍領隊大臣布爾和德等聯銜奏參當清自
到任以來軍民共怨上下離心並坐視庫車
烏垣墜陷漠不關心等語當清前次被參各
款業已交明繕查辦此次布爾和德等所陳

各情並著明緒彙入前案一併嚴切查明具
奏毋稍迴護布爾和德等摺一件著鈔給明
緒閱看將此由六百里加緊諭知都興阿穆
圖善明緒並傳諭恩麟張集馨知之（又諭
據明緒等奏伊犁救援已蕪當之兵中途失
利現在賊眾兵單恐扼該城咽喉情形萬分
喫緊各等語前經諭令馳赴假期一滿即
日率領所部各軍起程出關進剿該提督請
撥川省制兵四千名並由川招募數千名諒

駱秉章已妥為籌辦現在伊犁軍情萬分危
急著駱秉章傳知馳赴無論假期已滿未滿
即日整頓隊伍率同宋國永等分起取道出
關節節進剿以救倒懸之危其妻雲慶一軍
俟聞省軍務稍平仍准馳超調回以厚兵力
該督等仍遵照上年十二月十五日寄諭安
速籌辦不得稍涉遲延以副委任鶴齡由僧
州統帶赴甘之官兵一千五百名已到何處
著駱秉章飛催赴都興阿軍營總候調遣毋

任觀望將此由六百里加緊論知縣秉章並
傳諭馳赴知之 又諭楊岳斌自補投快甘
總督同楚募勇業經半載有餘應經論令該
督速募成軍統帶赴甘以維大局茲據明勝
等奏伊犁援已蕪堡之兵中途失利現在
賊眾兵單情形萬分喫緊等語伊犁為統領
各城重地設有疏虞情形更難設想該處盼
望援兵誠屬刻不可緩該督募勇一事如已
辦有頭緒即應整隊赴甘以援郡興阿穆圖

善之兵早日購出鼓行而西以收底定西陲
之效儻該督仍以勇未招齊赴甘稍遲一日
則技勳新疆亦遲一日關繫誠為不淺著楊
岳斌據遵疊次諭旨迅即料理起程不得再
事稽延以副委任將此由六百里加緊論令
知之 又諭前因新疆軍務方殷需餉孔亟
疊經諭令各該督撫轉飭各該藩司將欠解
餉銀迅速籌解茲據明勝等奏伊犁軍情緊
急餉項萬分奇絀請飭部迅催各該省將原

撥餉銀速行解解等語著路秉章據遵前旨
將四川欠解銀十六萬兩迅速派委委員趙
程運解安肅道庫並著沈桂芬飭司查明前
撥新疆軍餉除業經解外迅將省欠解
之項陸續委員轉解該處該省之萬將河南
欠解新疆餉銀七萬兩趕緊籌撥一體解赴
綏遠城並著德勤克多爾濟於山西河南餉
銀解到時迅即派委弁兵沿途護解遲至科
布多轉解伊犁等處毋得再有將延致誤軍

食將此由六百里各諭令知之 以上年伊
畢城解圍出力賞協領穆克德柯副都統衛
曉騎校雙揚武泰等藍翎銜升敘有差千陣
止佐領薩楞額都司黃立中等各等奉旨世職○
千土爾扈特遇匪被戕協領烏勒喜奉章宗
薩拉哈奉祭葬世職○暖微直隸開東明長
垣東安唐豐潤武清寶坻霸州大城望都宛東
鹿泉東光天津青靜海南皮鹽山晉永年元
城大名玉田深甯河難澤肥鄉武強安平滄

慶雲廣平衡水英榆三十六州縣被水被旱
被雹地方折舊額賦暨雜課有差。奉諭
議政王軍機大臣等僧格林沁奏官軍備賊
安營疊獲大勝一摺賊匪張八橋等處經僧
格林沁督飭拉齡郭寶昌等馬步各隊兩路
進取賊眾奔潰斬獲不少逆眾向汝州白楊
樹一帶竄去該親王飭常星阿郭寶昌緊蹙
賊後並親督馬步由洛陽取道宜陽至永甯
正東韓城鎮駐紮覘賊所向相機堵剿著即

督飭常星阿等前截後追務將此股逆眾就
地殄除並隨時嚴密偵探毋任遁入山險負
隅為患張之萬即准令張曜等會師合擊並
嚴飭河陝汝道督帶兵勇駐防朱陽關以遏
逆匪所竄之路此股逆匪雖止勝數千名而
竭力餘生因戰猶聞以刻下情形而論若適
入深山馬隊無從施展必須多川步隊方能
得力前謂之應敵給養東忠等軍已屢次催
令赴豫仍著僧格林沁嚴檄到營酌量調遣

山徑崎嶇該親王督軍深入未可輕進必須
格外慎重以奏全功設使該逆徑趨西北恐
秦晉邊界官禦不嚴仍當早為馳檄知照一
面派兵繞前逼截以期有備無患先發制人
姜王順一軍著官文迅飭駐紮制于閭嚴扼
西路要隘毋令開入完善地方將此由六百
里各諭令知之。伊犁將軍明燾等奏續撥
烏科二城索兵前往古城應撥得古城續
調索兵著即飛催迅速前進並飭知該盟長

等轉飭各旗嚴遏邊界杜賊東竄。塔爾巴
哈台參贊大臣錫霖等奏酌給蒙古官兵赴
援伊犁得古著即迅催傳勒果奏統帶土爾
扈特官兵馳往應援烏魯木齊都統早經降
旨派保坦著理錫霖著毋庸前往惟當於塔
城各要隘督飭索兵嚴密防守並隨時撫輯
彈壓毋稍疏虞。以河南塔兒灣勒凱勝
開復副都統常星阿蘇倫保溫德勒克西革
職留任處分並賞還勇號。河暖山東濟甯

歷城鄒平長山齊河長清東平東阿平陰惠民陽信濱海豐利津鄒陽穀荷澤鉅野濮范觀城費堂邑莒平昌邑濰全鄉齊東章邱禹城臨邑肥城青城濰化西阜三水縣壽張曹鄆城朝城蘭山鄆城鄒城魚臺四十六州縣暨東昌臨清濟甯三衛被水被旱被雹被蟲地方本年上忙額賦並難課有差士寅諭內閣國家緩徵遠服閭閻澤章敷於外藩各國朝貢進京無不體恤備至恩禮有加凡實

發莖宴及一切典禮定例本極周詳第恐日久相沿各該承辦衙門或致視為具文供應草率殊非朝廷厚待遠人之意現值朝鮮疏陳使臣來京朝貢著各該衙門於一切應行事務須擇遵定例揀派委員詳慎辦理毋得任聽吏胥苟簡從事該堂官等仍應逐一稽察如查有辦理不能妥協之處即將承辦之員據實參處以昭慎重而示懷柔○又諭上年陝西南鄭等縣被擾藍崖等縣被災素

經降旨分別加恩豁免蠲免小民諒可不致失所惟念今春青黃不接之時民力未免拮据加恩著將陝西省被擾各州縣及收成較薄之區由劉蓉督飭各該地方官迅即查明分別輕重妥籌接濟以紓民力該撫卽刊刻謄黃偏行曉諭務使實惠均霑毋任吏胥舞弊用副履端布澤惠洽閭閻至意○又諭前因商都牧羣總管舒濃棟魯普勒扣兵餉銀兩各款內有前任察哈爾佐領升任副都統

定安亦曾收受該總管等賀喜銀兩情事當今定安明白回泰茲據奏稱前在張家口佐領任內與舒濃棟魯普等同官交好常通往來因在海口出力得有編領記名擬又調赴山東軍營舒濃棟魯普等因送給賀喜銀一百兩當已收受請交部治軍等語定安與舒濃棟魯普等同隸察哈爾旗滿同官一方並無管轄之責其所送賀喜銀兩係屬友誼往還惟未能詳查未照遵行收受亦有不合除

所收銀兩著繳還歸公外定安著交部議處
諭議政王軍機大臣等前因閩張銘奏知
縣劉時霖被參各款查明並無其事陳迥即
陳銓等犯亦經委員徐大容等審明該犯等
供認聚眾圍城奪犯抗糧等情與富稼原奏
劉時霖索錢未遂致將陳迥等捆縛屬徐大
容等刑誣誣陷情節迥異當以該御史風聞
言事何至為罪惡最著之犯捏詞解脫難保
非陳迥等展轉屬託有投意該革員出奏情

事降旨派周祖培存誠會同都察院堂官將
富稼傳訊務得確情該用祖培等奏稱據
富稼供認該革員前奏劉時霖各款係上年
九月間家人劉祥向伊告說山東民人楊煥
高墓林帶有呈詞來京欲為該縣團長陳迥
伸冤寓居高長法家高長法商允素識之聞
三欲求御史代奏富稼接聞呈詞之後劉祥
隨與閩三將楊煥高墓林帶至伊宅立有憑
帖取銀三百兩字據該革員繕摺於十月十

五日具奏不料是日犯案送郭銀兩並未送
到銀帑燒毀賈之高長法並代錢保之羅
鳳者等並無保岳大何三均供曾許謝銀八
百兩情節不符請飭警楊煥高墓林解京訊
辦等語案閱言官安誠枉法賄賣章奏必須
徹底根究以成信據羅鳳者等供稱該犯
楊煥在山東濟陽縣大莊居住為墓林在未
官也居住早已由京回籍著閩張銘迅飭該
地方文武將楊煥高墓林二犯嚴密查拏派

員星連押解來京交部歸案嚴訊將此諭令
知之入諭旨開藩奏疊奉諭旨恭摺覆陳
一摺所陳勒解擒匪宜用准勇西路軍務宜
併力先清甘肅再及閩外並餉源日匱必須
多撤楚勇各條均於時勢軍情確有見地劉
銘傳等軍前據李鴻章奏所用洋砲軍火最
為笨重運送頗難當經諭令毋庸擬調赴豫
並令李鴻章與左宗棠籌商如閩省應需該
營前往協助即檄飭劉銘傳統軍赴閩聽候

左宗棠調遣此次曾國藩所奏各情均與前
旨體合現在僧格林沁督兵偏賊立營大獲
勝仗軍威已振無須再俟准勇勒勒所有劉
銘傳所部即著岑青李鴻章格遵前旨酌量
調赴閩省以資厚集甘肅軍務未清原不能
揚威塞外第新疆南路各城大半淪陷烏嚕
木齊及古城之漢賊先後為賊占踞北路亦
形岌岌若不迅圖掃蕩恐全局淪胥必至不
可收拾昨因伊犁危急諭令穆圖善迅速帶

兵出關並令鮑超即日整隊西行著標達前
旨趕緊辦理至鮑超赴甘前因沈葆楨奏到
已有旨准其將所部八千人統帶前往曾國
藩所稱鮑超同蜀募勇宜用川北保甯龍安
兩府之人一節保龍二府兵勇與甘肅風氣
不甚相遠且皆可徑達階州自較川東之勇
尤為得力著駱秉章傳知鮑超迅速馳赴川
北募勇或軍起期赴甘一面檄調宋國永等
軍由江西馳赴川東管帶舊部續行入甘

稍遲誤其所需軍餉一切仍著駱秉章源源
籌解以利師行曾國藩以餉源日蹙擬請多
撤楚勇自係目前第一急務即著將劉連捷
朱南桂朱洪章三軍次第裁撤以節糜費至
韋志俊等諸降眾尤應妥善安插善為遣散
庶購出有用之餉以供留防之勇濟西征之
軍於大局實有裨益將此由六百里諭知曾
國藩駱秉章並傳諭鮑超知之 又諭喬松
年奏皖省兵力未厚請留英新防守潁州一

摺昨因僧格林沁奏張八橋初賊復勝若過
入深山必須多用步隊方能得力前調之黃
東忠等軍當經諭令該親王嚴飭到營酌量
調遣茲據喬松年奏稱賊蹤無定向懷英
翰遠出赴豫恐賊東虛窺入皖境自係實在
情形英翰著仍留潁州布置防守黃東忠史
念祖兩營均著毋庸赴豫喬松年務當督飭
該集司統率所部實力籌防如豫賊來窺即
行迎頭截擊毋任閭人僧格林沁在豫勒賊

漸次得手儼賊蹤紛竄必當統兵截擊仍着
喬松年酌撥兵勇前往助剿以期厚集以上
各情均著該撫查明督格林沁遵照辦理前
因王拯奏奏喬松年近於巧宦當經諭令曾
國藩隨時察看據實具奏該據曾國藩奏稱
喬松年門下常杏洲捐納官階跡涉招搖復
令還歸本姓名曰楊謝改充委員各官差與
之齒等語喬松年由道府擢任封所宜如何
潔己奉公正色率屬以副委任乃縱令家丁

蒙混報捐以致人言噴噴輿論沸騰本應治
該撫以應得之咎惟念喬松年自升任皖撫
以來辦公尚屬認真此次姑免深究楊謝即
常杏洲著該部查明無論報捐何項官職即
行斥革並著喬松年即行驅逐出境不准在
署逗留嗣後喬松年務當精白乃心整躬取
下禁苞苴遠貪士將皖省善後各事宜實力
經畫庶可保全聲名長承恩眷儻再稍不謹
飭被人指摘必不能復邀寬宥也懍之慎之

將此諭令知之 又諭前據沈葆楨奏照錄
督糧道段廷修陳安置凱撤勇丁事宜一摺
已寄諭各路統兵大臣暨各直省督撫按照
所陳各節妥議章程具奏矣茲復據喬松年
奏稱江南北軍務底定各營遣散員弁勇丁
回籍者先後不下十餘萬計其勇丁回籍後
尚可設法糊口而管帶之員弁有實缺者極
少皆係在營打仗恩保至副參遊都守等官
遣歸後補缺無期設開置散既無向上之路

並無謀食之方以久經戰陣素為行伍之才
盡令向隅未免可惜現在江皖等省營制大
半未復請將此項人員或在立功省分或在
原籍省分准令歸籍學習如果能勝任准同
候補人員酌補管帶缺藉資教練具有不願歸
籍者亦聽其自便等語所奏不為無見即著
各路統兵大臣暨各直省督撫按照所奏案
入段次條陳一併明定章程具奏喬松年原
摺均著鈔給閱看將此諭令知之 又諭